

Allannguutissatut siunnersuut

uunga

**Uunga siunnersuut: Soraarnerussutisiaqalernissamut aaqqissuussinermut
peqataasussaatitaaneq pillugu Inatsisartut inatsisaata allanngortinneqarnera pillugu
Inatsisartut inatsisaat**

Naalakkersuisunit aappassaanneerinissamut saqqummiunneqartoq

§ 2-mut

1. § 2 imatut oqaasertalerneqarpoq:

“§ 2

”Inatsisartut inatsisaat atuutilernerata nalunaarutigineqarnerata aqaguani atuutilerpoq,
taamaattoq takuuk imm. 2.

Imm. 2. Inatsisartut inatsisaat ukiumut isertitaqarfiusumut 2026-mut kinguliinullu atuuppoq.

Imm. 3. 2026-mut Aningaasanut inatsimmi siunertamut kontomut 24.10 Toqqaannartumik
akileraarutit, oqaasertaliussaq nr. 6, atorunnaarsinneqarpoq.”

Siunnersuummut nassuiaatit

Nassuiaatit nalinginnaasut

Allanngortitsinissamut siunnersuummi siunnersuutip ulloq atuutilerfissaa iluarsineqarpoq.
Inatsisissatut siunnersuutip 2026-mi naammassillugu suliarineqarnissaata
naatsorsuutigineqarnera, tassa siunnersuutip ullormi atuutilerfissaata kingorna, tamatumani
eqqarsaatigineqarpoq.

Tuliullugu siunnersuutigineqarpoq Inatsisartut inatsisaat ukiumut isertitaqarfiusumut 2026-
miit kinguliinullu atuutsinneqalissasoq.

Ileqqaarnissamut pisussaaffiup il.il. naammassineqanngitsup akilersinneqartarnerata
atorunnaarsinneqarneratut ilusilimmik siunnersuutip atuunnissaa, ulloq 1. januar 2026
aallarnerfigalugu atuuttussanngorlugu 2026-mut Aningaasanut inatsimmi siunertamut
kontomut 24.10 Toqqaannartumik akileraarutit, oqaasertaliussami nr. 6-imi
atuutsinneqalerpoq. Siunnersuutigineqarpoq oqaasertaliussaq taanna Inatsisartut inatsisaata
atuutilerneranut atatillugu atorunnaarsinneqassasoq.

Allanngortitsinissamut siunnersuummi aalajangersakkanut ataasiakkaanut nassuiaatit

Nr. 1-imut

§ 2-mut

Aalajangersakkami imm. 1-imi siunnersuutigineqarpoq, Inatsisartut inatsisaat atuutilernerata nalunaarutigineqarnerata aqaguani atuutilissasoq.

Aalajangersakkami imm. 2-mi siunnersuutigineqarpoq, Inatsisartut inatsisaat ukioq isertitaqarfiusoq 2026 aallarnerfigalugu kinguliinullu atuutissasoq.

Aalajangersakkami imm. 3-mi siunnersuutigineqarpoq, oqaasertaliussaq, ulloq 1. januar 2026 aallarnerfigalugu atuutilersumik inatsisissamut siunnersuutip imarisaannik utaqqiisaasumik atuutsinneqalersoq, atorunnaarsinneqassasoq.